



Telefon 582-6747 • Fax 582-8551 • P.O. Box 577 • www.diarioaruba.com • Engelandstraat 29 • diario@setarnet.aw

CELEBRANDO 25 AÑA CU PUEBLO

Aña 25 • No. 7354 — 1,25 Florin


DIABIERNA 24 JUNI 2005



HUEZ VAN DER SLOOT DETENI COMO SOSPECHOSO DEN CASO HOLLOWAY

ORANJESTAD (AAN): E noticia cu cual tur hende a keda babuca ayeratardi tabata esun relaciona cu e detencion di e huez comisario suplente di nacionalidad hulandes Paul van der Sloot, cual autoridad ya caba tabata di bishita na dos ocasion na su cas y a listre tambe hunto cu autoridadnan. P. Van der Sloot ta e di cinco persona

cu ta deteni actualmente en relacion cu e caso di e desaparicion di Natalee Holloway. Ministerio Publico mientras tanto a corfirma e noticia aki y ta splica cu e huez ta un sospechoso den e caso aki, por locual e lo keda deteni durante e oranan siguiente como parti di e investigacion.



Nunca antes a sosode na Aruba...

Huez local Paul van der Sloot deteni como sospechoso den caso Natalee Holloway

ORANJESTAD (AAN): Ayera den oranan di merdia un biaha mas autoridadnan ta pone man riba un sospechoso den e caso di desaparicion di Natalee Holloway.

Aunke for di diasabra y diadomingo el a ser interroga como testigo hunto cu su casa, awor e ta den man di husticia como sospechoso den e caso cual su yiu tambe ta sera.

Aki nos ta papia di e huez comisario suplente di nacionalidad hulandes Paul van der Sloot, cual autoridad ya caba tabata di bishita na dos ocasion na su cas y a listre tambe hunto cu autoridadnan.

Asina cu e detencion a cay e noticia a plama riba nos isla y por supuesto tambe na Merca, esey a haci cu varios hende a keda babuca cu e noticia aki.

Segun informacion for di trempan caba e famia tabata sinti manera movecion rond




di nan cas y nan mes a dicidi di bay warda di polis na Noord pa asina mira kico ta pasando. Pa nan sorpresa, polis a detene e tata Paul Van Der Sloot y e casa a bay cas unda un batayon di prensa Mericano a cuminsa invadi nan.

Ministerio Publico mientras tanto a confirma e noticia aki y ta splica cu Paul van der Sloot ta un sospechoso den e caso di desaparicion di Natalee.

Awor kico ta su rol ta keda un misterio pasobra te asina leu cu nos sa ningun hende sa unda Natalee mes ta.

E sospechoso Joran van der Sloot mes a cambia su declaracion como cinco biaha y esaki ta perhudike mas den henter e caso aki. Di otro banda Joran a bisa su mama cu e ta inocente y ademas a bisa su mama tambe cu tempo lo papia unda e berdad lo bin dilanti.

For di bon fuente tambe nos tin cu polis a laga sa cu pa e fin di siman aki e caso lo conoce un solucion.



Abogado Arie Swaen ta representa Paul van der Sloot



ORANJESTAD (AAN): Ayera den oranan di atardi na momento cu nos tabata presente por a mira abogado mr Arie Swaen cu tabata na e

cas cerca e famia.

E casa Anita tabata tin combersacion cu mr Swaen mirando cu e lo ta e abogado defensor den e caso di

Natalee defendiendo Paul van der Sloot.

Kico ta loke tabata tin durante e combersacion nos no por splica.

Nos a trata na combersa cu mr Arie Swaen kende nos kier a duna ningun informacion e momento ey di henter e problema cu tabata andando.

Awor nos ta warda pa e momento cu Paul van der Sloot mester bay bishita fiscal y huez comiario pa asina nos haya algo mas dikon exactamente nan tin Paul deteni.

Aunke ta ser papia cu e lo por a yuda of duna cualkier conseho na esnan involvi den e desaparicion di Natalee.